

天方至聖實錄

天方至聖實錄卷之一
至聖源流歷代傳光記

至聖也者。先天地立。開萬化之宗。額合默帝。
其稱後天地生。封衆聖之印。穆罕默德其名。
生於墨克。終於默底納。爲天方之聖帝。百代
之師王。阿丹五十世之孫也。其五十世之傳
流名氏頗悉。而未及詳其事跡。年紀亦未能
悉載。茲惟據天方紀錄。至聖本紀。列聖通紀。
考之以識其大畧如左。

初祖

阿丹

阿丹天下萬世人之初祖也。粵自真主以六
日化成天地萬物。第七日造化人祖阿丹。四
行之精爲身。真一之性爲靈。阿丹生而天下
萬世人之形理皆秉賦于其身。性締結中矣。
惟至聖之元形獨見于阿丹之額。形如寶珠。
明如日月。阿丹助生好媧。配爲夫婦。旣受聖
孕。寶光傳于母胸。爰生施師。寶光見於施額。
維時真主敕命阿丹誓約施師曰。敬哉斯光。

人天之粹脩爾躬肅爾容祗奉予命擇配惟
廉入室惟潔既娠不再謹乃動慎乃食肅乃
居處不念不正不思不道汝其明言告爾婦
汝其明言告爾子子孫孫服膺成命傳繼
罔替汝暨汝父汝子孫將必蒙其休福復命
天神屬筆阿丹爲証立約書子孫傳遞凡額
戴聖光者受約書

世
施師

施師受約爰擇佳配得末合媾裔容德俱美

天神作合。阿丹主婚。構黃雅姑室而成禮。因懷安屋氏施師之額光隱而見於末谷。媧裔胸前矣。安屋生額戴寶光。施師携安屋于色比爾山。囑之曰。維真主降命。父皇約我暨我子孫。敬護聖光。人天之粹。無濫受室。無肆臨御。謹爾身。慎爾欲。寶命約書。汝其欽哉。安屋拜命曰。敬承父訓。小子不肖。不敢墜主所降命。

四世改襲

五世莫合肋

六世雅爾弟

雅爾弟娶白祖氏生厄赫拏皆以代傳光以
約邁屬無替

七世厄赫拏

厄赫拏卽一德理師聖人也始受主命創治
曆法造儀器製測筭爲天下後世曆筭之祖
娶不老女生墨土氏

世八 墨士氏

墨士氏始塑父像以來四方之貢者師德理

之藏人者深遠邇人朝之必有貢物聖卒恐朝者不至故塑假像坐雕楹以紿之謂其猶生也殆拜像生克墨里之作像者耶

世九 克墨里

克墨里知勇絕世娶改拏氏生挈海

世十 挈海

挈海大聖人也為至聖四十世祖維時人心詭慝暴殄天良大千主怒爰降洪水盡將

汝預命挈海造船先登遵化信道而從登者
七十餘人載舟漂泊三月而洪水退挈海命
子治水于四方。四方因有人焉。長子曰三穆。
傳聖光者也。世守中土。卽今之天方。次子曰
哈穆。治于西土。卽今之歐日巴。三子曰雅伏。
西治于東土。卽今之赤泥。

世三穆

世額爾服

世白爾查尼

卽扈德聖人也。領先世之約。擇配惟謹。娶買沙氏。生法立爾。

世古法立爾

世圭沙肋

世額十格

世額爾無注

世酒魯勿

酒魯勿始以金銀鑄錢。印以國號。禁私鑄。恐
撙難也。生那侯。

世那侯

世他而赫

池而赫配額底孛氏生易卜喇欣以上十傳
亦以代簡光以約遞囑無替

以喇欣

以喇欣大聖人也為貴聖三十世祖生而
神智七歲提斧斷佛首眾詰之曰汝殺佛耶
曰蓋問諸佛曰佛無能言曰無能則無奉須
奉能者眾語塞聖于物象中叅窮無象之主

而與正教以聖德神力能克驕矜不服教化
之王。當易卜臘欣之年。天清地寧。萬彙咸若。
魔鬼潛避。歲時豐稔。無欲不遂。無求弗得。而
聖之散財。宴實無虛。日間疾貸。貧恤孤養老。
歛死喪。遠邇之人。無不沾其惠澤。沐其恩膏。
以其施于人者厚。故其蒙于主報者亦甚隆。
牛羊駝畜。較他人孳十倍。一日訴于主曰。主
也。予何德而蒙主休福。命曰。易卜臘欣。汝知
之乎。穆罕默德之光。自阿丹至爾。計其所生。

之世幾半矣。愈傳愈明。天地以之清寧。萬物以之咸若也。汝亦知之乎。汝乃阿丹至貴之孫。爲穆罕默德至貴之祖。穆罕默德又汝至貴之孫也。教門至伊而全。自汝而始。汝之生。伊生之先徵也。汝之教。伊教之先徵也。伊行汝教。襲汝損納。改革前古一切聖教。通歸一軌。嗚呼。易卜臘欣。汝其善保斯光。踐我先約。以囑爾子孫。傳繼無替。易卜臘欣。聞竟稽首。首曰。感謝吾主。敬承主命。允廸吾主之至。

意爰求淑女爲配有酒肋氏慕其盛德欲傳
聖光以巨富而致聘歸之年久不孕乃娶合
哲爾氏極貧一夕而孕其光傳焉酒肋怨日
夜悲啼至廢寢食主憫其愛聖之篤許以多
聖報之遂亦孕哈哲爾生易司馬儀卽傳光
者也酒肋生易司哈格真主默啟聖衷將卒
集諸子囑曰吁易司馬儀真主愛爾俾爾子
爾孫爲聖爲王王多而聖一汝其敬持主命
保護斯光千子孫期勿替吁易司哈格真

主愛爾福爾。俾爾子爾孫爲聖爲王。聖多而
王寡。爾其敬服主命。保護天良。子子孫孫。期
勿替。乃復命取聖錄寶匣。論曰。上皇祖問丹
之所遺也。來降自天。中西歷代聖人之儀容。
錄于錦袱。遂開函示易司馬儀曰。此爾後聖
之儀容。內錄云。中坐一人。爲穆罕默德。旁立
四配。後擁高賢。復開其函示。易哈格曰。此我
暨汝暨汝子孫之儀錄具于內。自汝之一體。
將有四萬聖人。易司哈格喜而不知四萬聖。

人未若一聖之貴也。異日聖誓約易司馬儀于色比爾山曰：此皇祖受命之所。此皇祖留囑我暨爾暨爾子孫之書。爾其受命欽哉。時慶雲見，甘露降。

世三
易司馬儀

易司馬儀受約書，擇配謹嚴，不計貧困。只以貞靜賢淑為得人。得哈勒氏娶之，遂傳光生。改則爾叮嚀擇配傳光授約書。

世三
改則

改則生而勇毅有奇能八藝俱絕倫超羣勇也力也善射也脇力也獵也騎也廣嗣也髮長于身也常出獵額戴聖光丰麗奪目諸神婦女慕之作皇家女顯嬪妃相以邀其幸改則意動忽有覺曰謹守先約敬護聖光少頃聞四野悲泣之聲曰吾輩無福也改則因遍求賢女自許曰非易司哈格之女不足稱賢也真主默爲啟牖近族不可爲婚乃俾改則在國主教民以禮自不能亂矣改則乃遍求

于無嫌之家御百婦其光不傳日夜憂思至
廢寢食其主遣天神報之曰既爲國主何可
不爲先世以潔正傳光汝亦當以潔正求之
立願遵祀可得也改則乃以百駝爲祀得天
降焚且覺之曰寢某樹下所夢可配改則夢
中聞諭曰聖光乃萬光之元阿爾璧乃萬國
之尊阿爾璧有女阿作爾者貞靜哉賢淑哉
改則覺卽命於阿爾璧求之得阿作爾爲昭
漢王女娶之遂孕而光傳時聖容紀寶匣藏

改則處易司哈格之子孫欲取之曰聖紀宜
藏多聖之家改則曰先命也阿作爾曰久慕
聖容紀可一視乎改則遂取匣欲啟匣內作
聲曰非聖人不容開葉爾孤白聖人也可親
往賁之時葉爾孤白在克納昂城沙牧距此
二千里改則乃賁寶匣自墨克向克納昂臨
行囑阿作爾曰如產可名子海默里此名負
載蓋取負匣載寶之意也及近克納昂城忽
匣內有聲聲不宏而合城人皆聞之葉爾孤

白早覺論合族出迎曰改則載寶至矣及會
葉而孤白率衆先致賀曰君且喜改則駭之
曰何喜曰爾生子矣聖光出矣改則曰何以
知之曰先祖易卜臘欣聖集中不曾言之乎
聖光乃真主之友爲施師之嫡派凡傳光授
孕及顯光生子之日必天氣晴明日光朗耀
萬物爭妍鳥獸歡唱愈于他日今已驗是以
知之也改則大悅交代寶匣而歸視婦果產
海默里旣長改則遵先制亦與誓約于色比

爾山忽一少年與之候安問其來意少年曰
大事也美舉也以手摩改則之耳改則遂亡
海默怒曰汝殺吾父耶少年曰爾細視果殺
矣乎轉身而少年失乃知其爲取命神也海
默孤

世海默里

海默里遵先誓擇配詳慎得色衣德氏娶之
生那必惕

世那必惕

世其
哈米色

世其
額度德

額度德善書爲天下後世書法之宗時人皆以書法爭勝獨額度德無與敵者生悟德

世其
悟德

世其
爾帝南

爾帝南始生卽具奇相識者曰此子殺之爲宜不則將有異人出其後天人皆入其範圍也真主默爲保護不使人有纖毫侵犯及焉

俊偉神識料事如見博通萬物之學國人敬
尊爲王配伍買納氏生穆義篤

世^三穆義篤

穆義篤善兵法嘗與朱乎得戰無不勝生納
咱爾聖光益著父大悅宰駝爲祀大宴國人
曰薄祀耳聊以舒情耳納咱爾卽舒情之意

世^三納咱爾

納咱爾剛毅俊偉才能絕世效父用兵料敵
如神有神旗展則神兵至稱寶物焉自納咱

爾立朱乎得不復再犯矣娶偶杯德氏生穆最爾

世穆最爾

穆最爾長顏如美玉而有才擇佳配効濟墨氏容德之冠第夫婦年及耄而無子額戴聖光面不傳或勸之置妾曰聖光不妾授或勸之增娶曰吾老矣且無德愈于効濟墨者此不傳將安傳國人謂其空戴聖光將無望于傳矣真主乃顯聖化之奇忽以既耄而孕因

名其所生日雅師雅師卽無望之義

三雅師

雅師孕奇生奇才識奇不因師授學問又奇
國人重之共舉爲王常有聖讚之音發自其
口娶穆赫氏生穆帝爾

三穆帝二克

穆帝性情爲作甚肖于父娶古宰墨氏生胡
宰默

三胡宰默

胡宰默感奇夢宜娶某王女名相爾者當世之賢女也求之生克襲

三
世

能察民隱斷事如見人稱神明主鄰治有無獄不決者皆就斷之娶來哈納氏生納

祖爾

三
世
納
祖
爾

納祖爾爲阿丹三十七世之孫而至聖十四世之祖也世爲墨克王賢名播于遠邇德化

溥乎民物共上尊號曰古來氏謂其爲天下
尊也其後凡稱古來氏皆自納祖爾一派云
納祖爾夢背生一樹蕃枝茂葉直上接天其
葉光光相映有無數之人白面豐偉攀枝而
上占之尊貴無比將有大聖人產于其後能
改革教門殄除佛像羣臣有二氏人謀欲殺
之真主佑之俾其謀破反坐納祖爾薨于馬
立克嗣位

十世 法合爾

十世 亞立部

十世 羅乙

十世 克爾卜

十世 莫爾

十世 庫喇卜

以上凡七代俱稱賢王傳繼聖光遵約無替庫喇卜生顧索

四十世 顧索

四十

二卜獨立墨挈伏

顧索生而頴悟神識驚人及其掌國公惠廉
愛親賢遠奸民稱賢主生二卜獨立墨挈伏
伏號穆愛助興仁義重道德四方仰化萬國
來朝納咱爾旗易司馬儀弓天房之饋端
歸之生五子七女長子曰爾穆立得受玉璽
掌約書伏薨爾穆立嗣位

四十

爾穆立

爾穆立號曰哈申謂其仁義道德甲擅古今

而遠邇之人莫不沾其福利也。故天人稱頌萬國來朝。見其額戴聖光。明同日月。知其爲大聖人。將出自王公大人及富庶之家。皆自遜其美女。教以禮貌。飾以珠寶。衣以錦綉。車載來獻。以冀其幸。而傳其光。俱不納。魯爲天下宗國。王遣使奉書約以已文爲婚。亦不允。因其爲天主教也。第謝曰。有天命之重。必俟天命。然後行。乃登色比爾山大祀告祝。天神傳命。宜妻養姪妹氏。訪之貧家女也。閑雅

貞叔娶之生爾卜篤穆託吏部聖光傳焉爾
卜篤旣長受室蔭子哈申病召古來氏入
至榻前囑曰吁爾衆皆吾古來氏一本宗被
皆易卜臘欣易司馬儀嫡派子孫也真主篤
愛爾衆俾居福土吾承先王福蔭受主洪恩
爲爾衆首吾今病篤勢不能起將先王所遺
國寶如納咱爾旗易司馬儀弓克爾白之鎖
鑰授與爾卜篤穆託吏部俾承國位爾衆尊
之母畔子命衆皆俯伏叩首哀泣至切因進

王命是從。惟新主是順。吾王自安。無先慮哈。
申薨。爾卜篤穆託吏部嗣位。

四
世爾卜篤穆託吏部

爾卜篤號飾白。謂其生而沉靜。幼而莊謹。自
少而壯。絕無嬉戲貌。儼然一尊宿老人。卽飾
白之意也。額戴聖光。明如皎日。每出行。觀者
塞道。一日睡起。身披霞衣。不知所自來。占之。
宜早受室也。父哈申爲之聘。古白肋氏歸而
生哈立思。古白肋卒。繼德馨氏。旣嗣王位。各

國表賀貢方物天下平寧風雨時若惟敢
王一國不服發兵擊之擒啟思王殺於色
爾山子哈立思夢人呼爾卜篤下素井稟于
父不知何意又一日夢人云下滲滲泉也不
知何處乃禱主示明是夕又夢人云血糞之
間雅啄之處有蟻穴其處也亦不白何處一
日爾卜篤遊禁寺忽見一牛宰已半而躍
仆倒屠人趕入宰之割肉去遺下血糞鴉
啄啄其間見蟻亟召哈立思鋤之得枯井

此所夢也。遂欲下之。子曰不可。鳴之與衆。衆曰不可。恐有不虞。爾卜。篤曰天命也。吾求車底。愿生十子。以一子祀謝安。遂引繩而下。至底。忽見光芒閃灼。諦視之。爲寶劍數口。取起。衆見之。羣相賀曰。瑞徵也。當留國抑分鎮于四方。爾卜。篤曰不可。此天房寶器。公物也。曷存貯天庫。忽見泉中水湧。其冽異常。時稱仙水。卽滲滲泉也。至今猶存。凡朝覲人必盥飲其上。爾卜。篤娶五后。生七子。不得傳光。憂戚。

見于形色。一夜見奇夢。周身戰慄。問于卜人。
曰。吾夢脊背出白索一條。多環結而有四端。
一繫于天。一垂於地。一引于東。一引於西。南。
綠樹婆娑。凡世間所有之果品皆具。二尊猶。
老人立其旁。詢其名氏。一曰。吾努海也。一曰。
吾易卜臘欣也。呼予前。告予曰。此樹乃爾祖
父之傳代也。約期至矣。一切佛像將滅矣。
者聞竟大駭曰。有此夢耶。必有異人自汝脊
背出。天地神人皆入其掌握中矣。索者多。

之謂也。環結乃其事之大。品之高也。挈海乃誅罰逆者之相。易卜臘欣乃福利順者之相。易卜臘欣之教從此光大矣。爾卜篤聞之色還而喜。又越數年。光猶不傳。憂曰。吾老矣。白髮婆娑。倦于政事。厭棄應酬。而聖光不傳。尙何待乎。一日夢神人告之曰。知有法士默氏乎。盍求配。因求法士默氏。乃爾本立之女配焉。生二子。爾卜他吏部與韓則也。光亦未傳。一日遊獵渴飲。涉潞泉歸。而法士默忽孕聖。

光乃傳及生。額有紅文曰爾卜竇喇希聖光。
駕焉遂以名此爾卜篤最小子也。篤遂告于
主曰主也嚮也有愿若生十子必以一祀請
命以何命曰闔之得小子復告曰真主能知
此吾所最愛子也。且額戴聖光命曰以駝與
子闔之復得子請以十駝闔之仍得子增至
五十駝闔之仍得子復增至百駝闔之乃得
子遂以百駝祀贖其子。

四十
九世
爾卜竇喇希

爾卜竇生之夕。沙牧國距墨克數千里。餽相傳曰。聖父生矣。其故昔聖則克利涯與葉海涯。墜亡。預有遺囑。其白狐裘爲血染。可存沙牧國庫。但視其血色。忽鮮而滴。則是末世聖人。穆罕默德之父生。以此驗之也。二氏學人聞此。驚曰。吾人不得久存矣。遂糾集多凶。來墨克殺之。真主默爲佑庇。使其人以事中途而返。凡有人來往於墨克。必咨訪爾卜竇之動靜。咸曰。豐美異常。面光如日。皆愕然曰。非

此人之光也。乃穆罕默德之光也。爾卜賓既
長。顏如美玉。聲若洪鐘。舉止動靜。大肖乃父。
墨克紳士富庶之家。聞其將爲聖父。思爲聖
眷。各以女子最美者。艷粧以獻。望其取幸。直
主遣天神阻之。不至。亂常告父曰。見每向補
宅。吟色比爾山行次。背後若有白光閃灼。倏
分兩半。半向東。半向西。倏復合而爲圓。又顯
上常有白雲飛復。倏直上入天。倏旋歸入背
嘗坐地。聞有人向前道安。而不見其形。又

坐枯樹下。樹卽發榮。陰影蔽我。我去復枯。然
曰。隱之。隱之。此徵喜信與爾也。將有大人出。
自爾背爲天人之首領。古今之法王也。設使
二氏人聞之。必謀殺汝也。嘗過佛堂。臘賜酒。
嗟二活佛也。見之。輒驚泣拜下。曰。吾輩無用
矣。汝戴聖光。將滅盡天下佛也。一日郊獵。遇
沙牧二氏之凶徒七十餘人。各仗毒劍。迎向
爾。卜竇諦視之。曰。必此人也。羣上欲殺。忽復
倒退。自相殺絕。聞空中有鸞鈴聲。仰視之。見

空號騎勇將蓋神兵也。時有武臣渥合卜獵見之。驚曰：「世子果非凡人也。」願以女嫁之。渥合卜有女名額美，姍貞靜賢淑，爲通國道德之冠。多人求聘，不允。嘗謂非真才實學，品德兼優者，不字。及見爾卜，竇遂以獻之。通國婦女失望，以不得妻爾卜，竇爲怨。先賢爾卜師曰：「墨克境內女子以不得適爾卜，竇遂誓不字人者，二百餘時。」爾卜，竇二十五歲，額美亦二十五歲。越五載，甫光傳而聖懷其學。

產之間叠見奇踪異跡瑞應祥光俱見于後
世至聖穆罕默德

大方至聖寶錄卷之二

四統源流圖說

世統
化統

國統

世統源流圖

祖初

○阿丹

○施師

○安渥氏

○改囊

○慕合肋

○雅爾帝

○額赫努

○墨土氏

○克默里

○努海

○三穆

○額爾福

○白而查尼
○法立爾

○沙助赫

○額氏魯

○額爾無洼

○灑魯勿

○那侯

○他而赫

祖少

○易卜臘欣

○易司馬儀

○改則

○海默里

○那必惕

○哈米色

○額度德

○悟德

○爾帝南

○穆義篤

○納咱爾

○穆最爾

○雅師

○穆帝

○胡宰默

○克囊

○納祖爾

○馬立克

○法合爾

○亞立部

○羅乙

○克爾卜

○慕爾

○庫喇卜

○顧索

○爾卜獨立墨壑伏

○爾穆立卽哈

○爾卜薦穆託吏部

○爾卜實喇希○

○穆罕默德終五十世之傳光衍億萬禩之

道脉傳道不傳宗惟賢者繼之

不復須子嗣光揚矣

世統起于阿丹歷易卜臘欣古來氏哈申

至穆罕默德爲五十世五十世之本支嫡

派自阿丹至爾卜賓喇希皆額戴寶光以

徵聖派淵源之自至聖出世而光止蓋聖

卽光也其五十世各有小傳見後阿丹爲

至聖始祖亦天下萬世人之始祖也易卜

臘欣爲少祖三十世祖也古來氏爲大宗
十四世祖也哈申爲小宗曾祖也自阿丹
降世六千一百三十年而穆罕默德生五
十世之子孫蕃衍盈滿天下無非阿丹之
子孫卽無非至聖之宗族至聖爲阿丹五
十世孫而與聖同時者有阿丹六十七
世孫有八十九世孫至于二百餘世之
孫何者上古之人壽多千歲生齒早遲故
尊卑異代而相遠如爾撒早生六百年猶

至聖之孫輩也。聖以至德至貴而不傳子嗣者，正以其至德至貴，不須子嗣也。子以強于父者爲美，無有強于至聖者矣。不如則不須也。至聖世界之果也，果之上無果也。究之天地人神，皆自其本然而化生，萬世賢學皆從其教道而傳繼，孰非其子若孫乎？其爲子若孫者，又豈第振振繩繩已乎？

國統源流圖

○開闢紀

始阿丹終努海凡十世

○開陽紀

始開郁默終沙息凡二十帝

○世康紀

始開古終西邦德凡十四帝

○韓丹紀

始阿氏克終額爾忒凡十七帝

○灑茫紀

始額爾德施終努氏王凡十九帝

○阿爾壁紀

穆罕默德接努氏之統傳賢不傳貴至于永世無復有稱帝稱

王者國統起于阿丹受真主明命建國立紀傳施師至于努海凡十代皆聖王兼統垂二千二百五十七年爲開闢紀努海長

子三穆號開郁默始受命稱皇帝居諸王
之上國號開陽傳十二帝至沙息二千四
百四十六年三穆八世孫訥則帝之後開
古氏掌天下國號世康傳十四帝至西邗
德王七百五十一年爲魯密所并混十四
年世康之十二帝達喇之子號額氏克誅
僞君有國建號韓丹傳十七帝至額爾德
王三百六十年達喇之祖白罕之後二十
世孫名額爾德施襲韓丹以有天下國號

灑茫傳十九世至努氏而王，三百八十年。
國終歸統于至聖穆罕默德。至聖受國統，
不稱王，不稱帝，不建國號。第曰阿爾璧紀，
卽天方也。而諸國帝王皆臣服之。聖人去
世，則賢者繼之。至于永世，不稱王，不稱帝。
第曰襲聖位。而其他國稱帝稱王，莫不以
賢位爲尊，莫不以穆罕默德爲師表云。

道統源流圖

○阿丹

○施師

○罕海

○易卜臘欣

○易司馬儀
○易司哈格

○葉而孤白

○母撒

○達五德

○爾撒

○穆罕默德

承衆聖之道統而爲大成。至于永世無復有稱聖者。

道統始于阿丹。阿丹受真主明命。傳與施
師。師傳與努海。海傳與易卜臘。欣欣傳與
子易司馬儀。易司哈格。格傳與葉而孤白。
白傳與母撒。撒傳與達五德。德傳與爾撒。
爾撒去世。不得其傳。于是紀綱墜落。異端
蜂起。去爾撒六百年。而後穆罕默德生。奉
命驅除邪說。彰明正教。爲萬世開太平矣。

剛經定制。總前聖之精微。而爲大成焉。太
道于是乎明備。衆聖之在前古。猶長夜之
月至聖出。則中天之日也。衆聖之道。自阿
丹至爾撒。猶根而芽。而幹而枝。而葉而花。
至聖之道。則果也。天地之明。莫明于日。樹
木之備。莫備于果。教道之全。莫全于至聖。
故道統歸終于穆罕默德。穆罕默德至聖
也。至聖之後。無聖矣。雖有賢知。莫不以至
聖之矩範爲遵守焉。

化統源流圖

○大命

○繼性

○聖性

○賢知性

○庸常性

○生活長養性

○冷熱濕燥性

○溟渣

即元氣

○陰陽

○四象

○風火水土○金石

○草木

○鳥獸

○人愚

○知

○賢

○聖

繼真主之命而開造化之始立人道
○至聖之極而成品物之終至聖之後無復
有聖至聖之上無復有品至聖出而

造化之鍾意完焉

先天來降

造化循環圖

後天復升



化統始於先天起於大命。大命者真理之
流行也。自大命而有繼性。繼性者至聖之
本然也。由繼性而有一切聖性。由聖性而
有一切賢學。知愚性。由人性而有一切生
活。長養之物性。由物性而有一切冷熱濕
燥之稟性。本其先天一切性理之餘曰溟
渣。則謂元氣也。元氣判而爲陰陽。陰陽剖
而爲四象。四象化而爲風火水土四行之
質。造化流行至土而止。土造化中至下而

至濁者也。物極則反，流盡則轉，化止而流
行不息。故土氣上行，與水火風合而生金
石草木鳥獸萬物之形。萬物既備而人生
焉。人生而愚少而知壯而學而賢，賢而至
于聖。聖而至于至聖，則復乎其本然之繼
性，所謂窮理盡性以至于命也。此之謂大
化流行循環之統序。此之謂人道遵循升
降之始終。生民以來，能至其位者，惟穆罕
默德一人而已。穆罕默德其包貫造化之

三才圖會卷之二十一
三
始終者也。故萬化咸以穆罕默德爲依歸。

四統源流總說

嗚乎。聖人之事大矣哉。時人譏聖無子爲絕後。誠絕也。豈特以無子爲絕哉。所絕者多也。在家不傳宗。家絕矣。受國不傳統。國絕矣。爲道不傳聖道。道絕矣。代天闢化。俾天音斷。神明不再降。使趨真向道之士。限於其位。不容逞勇超前。是天絕人亦絕矣。其所絕者。豈不多哉。不僅以乏嗣。

爲絕也。觀乎四統家也。國也。聖人之道也。天地
之造化也。皆以聖絕。不幾聖人以絕生乎。然而
非絕也。萬物至聖而止也。止者至也。至則止矣。
聖人爲萬物之規界也。規界卽範圍曲成之義。
無物能出其範圍。無物不由其曲成。是以萬
物至至聖而止也。五十世之傳光。至聖而止。非
絕也。聖卽光也。光無影。故無子。子父之影也。七
十二帝之傳統。至聖而止。非絕也。聖卽統也。所
以統七十二帝之統也。若復傳統。則爲所統矣。

十二萬四千聖人之傳道至至聖而止非絕也。聖卽道也。卽萬聖之所傳揚者也。道顯不復更問道矣。若復有聖是爲他人之前行矣。何稱至聖。何稱集大成哉。大化流行至聖而止非絕也。聖卽化也。卽化之全體也。萬化各顯其偏。至聖獨顯其全。故能繼承真宰而成大化。復道萬化而歸真宰。自天之人。自人之天。爲成化化化之。無偏也。不由聖人之化。而別尋超進者。則是異端迷途。非正道也。絕者止也。止者至也。至則止。

矣。四統皆止于聖家也。國也。聖人之道也。天地之造化也。皆在聖人之規界範圍焉。曲成焉。一聖人之統制矣。聖人之事。詎不大哉。時人譏之。知其小。不知其大也。知其絕。不知其不絕也。

大方至聖寶錄卷之二終

石炭國祚景初氏較梓